

1 PETRO

Ɔko Ɖeakatĩ Gɔ i Petro Ɖtsere

¹ Mme Petro gɔ nde Yesu Kristo katõmesedze lotsere ɔko gɔgbe nto lotã mma i Ƴaa ɔɔi ɔtã so fie masasame mapia le mafɔ i Ponto gu Galatia gu Kapadokia gu Asia gu Bitinia nrõ iso. ² Bo Ɖse Ƴaa mɔmɔ loɔi mi i Ɔ kuduɔe kanya fie ɔtã so Ɔ Siwarã ɔbara mi sekelee itã atsue ikã Yesu Kristo itõme. Ɖ ima ana ɔsekelera mi.

Bosate si ɔbuale mi si ɔtã mi isobue si isi ibua.

Mafɔɔedze Ba Ɖriinyɔ Ne Mba Ngbã.

³ Mitã bope Ƴaa gɔ nde Bosate Yesu Kristo Ɖse siba! Ɖnyɔ bo nnya gbaã gɔ ɔtã bo ngbã ɣete iki i Yesu Kristo ita ibɔre i makpise ame. Nnegbe ɔtã bo ɔriinyɔ ne mba ngbã. ⁴ Ne ɔso bo anɔ sia i ara wa i Ƴaa ɔledza ɔse ɔtã Ɔ maturi iso. Ɖledza wã ɔse i kato ngbegɔ aibaburi, ɣee anina, ɣee akpi anɔmi. ⁵ Mi ma lofo miɔe fie Ƴaa ɔsu Ɔ ole ɔledza mi ɔse so Ɔatã mi ngbã ɣete ku ɔwi tsɔra ame ɔkpe nde ara wa ɔledza ɔse ngbe.

⁶ So si siɣɔ mi i nnegbe iti atoa so mito miki i inyewe gu kalakanyɔ agbãagbã ame i ɔwi kurukutua gɔgbe ame. ⁷ Ara wagbe to aaba mi iso si ite so kafɔkaɔe bielea miba. Sikãretɛa dze nse sinina kɔra ne, mase mafore sã i ɔto ame, ne ɔso mi kafɔkaɔe ga lofo kuɣa kaɔo sikãretɛa ana ne, inya so maakere kã manyɔ so kaaya. Si kaya ne, mito miafo ile, ikpawaĩ gu kuware ku iyi ne i Bosate Yesu Kristo aaba. ⁸ Atoa so miinya wũ ne, mito miɔe wũ, mifo wũ miɔe atoa so miito

minya wũ kinio ana. Ne ɔso miba isoɔɔ ne nna katui. ⁹ Mi kafokade ɔso ne, Ƴaa ɔɔtã mi ngbã daaro daaro.

¹⁰ Ƴaa kanyamaɔɔidze ma lope bo idji nnyainyo negbe imomo ɔnyɔnyɔ ara wagbe ame totoro, fie maye ara mase i karatã ga i Ƴaa aasu ɔtã mi ngbe iso. ¹¹ Maki i ɔri igbã biara iso sɔ si matsue ɔwi go iso gu kumego i ara wagbe aaba. Ɔwi gogbe ame i Kristo Siwarã oki i ma iso sitã maye ara mase kumego i Kristo aawe inye fie ne kama, ɔana ikpawai siare. ¹² Ƴaa ɔɔɔi ɔte kanyamaɔɔidze mamɔ sɔ iide ma mɔmɔ karabara mato mabara ne, mi mato mabara matã. Maɔe ika i ara wa i Itõme Bielea mayedze to mayere mi kinio iki i Siwarã Bielea dze i Ƴaa ɔsese ɔɔɔregu i kato ɔle iso. Ikpẽ ta Ƴaa makpabo ɔkã sɔ maatsue ira i ara wagbe iso.

Ikote Sɔ Mafɔɔɔedze Aase Ngbã Sekelea.

¹³ Ne ɔso miledza so mitã karabara. Midzue sɔ si misu mi ɔriinyɔ ɔɔɔɔɔ misia i kusekuse go i Ƴaa aatã mi ku ɔwi go i Yesu Kristo aaledza iba iso. ¹⁴ Le mabi ma nse makã Ƴaa atsue ne, minyua ara wa lola ɔokpẽ mi ɔkã ku ɔwi go miide mafɔɔɔedze ɔbara. ¹⁵ Ƴee ne, mise sekelee i mi kurabarara ɔɔɔɔɔ ame le kumego i Ƴaa go lokpere mi se sekelee. ¹⁶ I Ɔko Sekelea ame ne, Ƴaa ɔyere ɔ maturi sɔ, “Mise sekelee alaso lose sekelee.”

¹⁷ Mise mikpere Ƴaa go loise ɔnyɔ ɔturi i katõ i atõme iye ame sɔ, “Bo Ɔse” si mito mikparama kayi. Ne ɔso misu mi ngbã ayi tsɔra i kayiiso ngbe mipia Ƴaa kuware. ¹⁸ Miye sɔ iide

sikāfudza, χee sikāretea dze nse sinina siđe i Ƴaa ɔsu ɔtā mi iti kuso fie ɔɔɔi mi ɔbɔregu i ngbā me i mi mawa ɔse fie mina kusia kukuwě ame. ¹⁹ Ƴee Kristo ima ne lofo kuɔa iđe. Ɔ nse le serererō ibi ne lokote fie ina iɔere kuiwě ana ne. ²⁰ Ƴaa ɔɔsia Kristo ikparĩ ɔse fie ɔbara kayiiso, χee ɔɔi wũ ɔte ku ayi tsɔra wagbe ame i mi iti. ²¹ Iki i Kristo iso ne, miɔfo Ƴaa miđe. Ɔ lotara Kristo ɔbɔregu i makpise ame fie ɔtā wũ kuware kasekō. Ne ɔso mi kafɔkađe gu anɔ ka asia i Ƴaa iso.

²² Kiniɔ go miokā ɔnukuare atsue fie miokɔ i ɔ ame misekelera so mito miɔɔe mi mafɔɔedze laa ne, miɔɔe mi manyii ta situ ame. ²³ Alaso iki i Ƴaa itōme ne mba ngbā fie ina katui ame ne, Ƴaa go nde χese go loise ɔkpi ɔɔledza mi iɔe. ²⁴ Le kumegɔ i Ɔko Sekelea ɔɔe sɔ,

“Maturi ɔɔuɔu se le sikua

fie ma kuware ɔɔuɔu se le aɔōla.

Sikua se siɔɔ, fie aɔōla ana se akpa.

²⁵ Ƴee Ƴaa itōme pia ɔwi biara.”

Itōme neɔbe nde Itōme Bielea ne mapɔ imomo mapere mi ne.

2

Mafɔɔedze Nde Ƴaa Maturi Sekelea.

¹ Ne ɔso minyua ikpi igbā biara ɔbara. Mila gu adzuni nyanyarĩa ite maturi, sirere ikpě gu sitia si sidaawe i mi ndě. ² Ƴaa itōme ne mailupu kuira si ikpě mi ɔkā teteree le kumegɔ i inyɔdu se ikpě mabi χete ɔkā si miamo i mi iɔi ame. ³ Alaso mi mɔmɔ ɔɔti Bosate kayiribielea minyɔ sɔ ile.

⁴ Ne ɔso mibore mibo Bosate gɔ nde ita ne mba ngbã fie iire kaira i mayotsuedze anɔ, xee ne i Yaa ɔɔi, fie ɔ̃ katɔ̃ ne, ne lofo kuɔa ido. ⁵ Misu so mitã le ata wa mba ngbã si Yaa si ɔsu mi ɔtsue Siwarã ame isɔreyo ne ame miade masoredze ma nse sekelee. Misu siwarã ame ara wa lokote misɔre Yaa iki i Yesu Kristo iso. ⁶ Alaso ɔko Sekelea ɔxe sɔ,

“Loɔi ita ne mba kuɔa,
 fie losu ne lobara Sion ɔyokã ame ita.
 ɔbiara gɔ lofo wũ ɔɔe ne,
 kunuare iibakpẽ wũ kunya.”

⁷ Ita negbe ɔfo kuɔa gbaã i mi ma lofo miɔe kɔre, xee mma lofo maɔe ne, matsue sɔ,

“Ita ne i mayotsuedze ɔsẽ ne,
 ne loba iakpese ita nyaa ido pelepele ne.”

⁸ ɔko Sekelea kakɔi kawẽ ana ɔxe sɔ,

“Ita negbe loatã maturi ɔtura,
 fie iatã marɔ̃.”

Mato maatura alaso maifo Yaa itɔme maɔe, fie ngbo i Yaa ɔxe i ma iso ne.

⁹ Xee mi ne, maturi ma i Yaa ɔɔi ɔse miɔe, masoredze ma nse male Igara, kaɔe ga nse sekelee, Yaa mɔmɔ maturi ma ɔɔi ɔse sɔ maape ɔ̃ awawãra imomo miɔe. Mma i Yaa ɔkpere ɔbɔregu i idududu ame ɔbo ɔ̃ ikpawaĩ siare ame.

¹⁰ ɔwi gɔ lofe ame ne, miɔe Yaa maturi, xee kinio ne, ɔ̃ maturi ka miɔe. ɔwi gɔ lofe ame ne, Yaa iinyɔ mi nnya, xee kinio ne, Yaa ɔonyɔ mi nnya.

Mise Ngbã Me Loale Yaa.

¹¹ Manyii ɔɔese, le mma nde mafɔ gu marisedze i kayi gagbe ame ne, nto loka mi sɔ

midaabara i sosina ara lalaa wa nse akpẽ mi okã fie ata aƣe i mi okala iso. ¹² Mi nsegbai i mma loide mafoddedze ndẽ si mise sekelee so atoa so mase maƣe so mito mibara ara lalaa ne, maanya mi ara sɛɛ wa mito mibara so maasu ile matã Ƴaa ku ẽ iyi ne ɔaledza iba iso.

¹³ Bosate go boto bosore oso ne, mibo so karõ mitã mma odudu nto made mi iso gu Roma Igarakpakpa ana. ¹⁴ Mibo so karõ ana mitã makpakpa ma i Igarakpakpa se opia so makpadzẽ ara lalaa mabaradze kutsue si male mma nto mabara ara sɛɛ. ¹⁵ Alaso Ƴaa kudɔe nde so miabara isee so mma loikpa ano sidzimi aate. Iyo maibaƣe inyakpi kuiwẽ i mi iso. ¹⁶ Mise ngbã le mma nsigu so, ƣee midaasu mi iseguso mibara ara lalaa. Mise le mma nde Ƴaa masande. ¹⁷ Miware maturi odudu si midɔe mafoddedze odudu. Minigã Ƴaa, si miware Igarakpakpa ana.

Mibo So Karõ Mitã Mi Makɔse.

¹⁸ Mi ma nde maɔabo ne, mibo so karõ mitã mi makɔse si miware ma. Iide makɔse ma nse maɔe mi fie mase manyo mi nnya kere, ƣee ta mma nde matilese ana. ¹⁹ Si oturi to owe inye ne loikote alaso oto obara Ƴaa kudɔe ne, Ƴaa se otã wũ kusekuse. ²⁰ Si mibara ara lalaa fie mina otu miya mape mi ne, mme ile mpia i ne ame? Ƴee si mina otu miwe inye i isee ibara ame ne, Ƴaa aanagu mi isoƣo. ²¹ Nnegbe oso i Ƴaa okpere mi obo ne, alaso Kristo ẽ wũ owe inye i mi iti onyua ikparĩ ose so miasiai ẽ ngbama.

²² “Ɔibara ikpi kuiwẽ,
fie ɔila sila onya ana.”

²³ Gɔ matia wũ ne, ðitia ɔti kuso, mma lote wũ ɔɣiã ne, ðigbarĩ ma, ɣee ɔsu ɔ ɔtu ɔsia i Ƴaa iso, ngo nse ɔɣe atõme i ori iso.

²⁴ Kristo mɔmɔ lofo bo akpi ɔsore ku ɔwi gɔ mape wũ mamatãra i kudzirĩ iso. Ɖbara nnegbe so si boabɔre i ikpi nrɔɔ ame, ɣee boase ngbã botã isee ibara, fie iki i ɔ aɣei wa ɔfo ame ne, miona isosare. ²⁵ Ɖwio ne, mise le maserererɔ ma loyu ori, ɣee kinio ne, Ƴaa ɔɔkpesera mi ɔbo Maserekɔdze gu ngo nto ɔdzuẽ mi kɔre.

3

Marã Gu Mare Si Maware So Ala Kristo Ɖso.

¹ Mi marãyiridze mi wũ ne, mibo so karɔ mitã mi marã so si ma ɔrere iide fɔɔdedze ne, mi nsegbai aatã so maafiniki bide miiwa kanya miɣe kuirã. ² Alaso mato maanya mi karɔ ibɔso gu mi ngbã sekelea. ³ Iide mi siwerẽ ibara gu sikãretã ara ipia gu arapia wa lofo kuɣa ipia loadji mi kule ite. ⁴ Ƴee ne, mi kule si kute so i mi kame ame, ɔtu ɣɔa gu karɔ ibɔso ne nde kule gɔ loise kuro fie kufɔ kuɣa ta Ƴaa anɔ ana. ⁵ Marɔgo sekelea ma losu ma situ masia i Ƴaa iso ku koko ɔwi ne, ngbo makere so iki i karɔ ibɔ so itã ma marã ame ne. ⁶ Ngbo i Sara ɔbo so karɔ ɔtã Abraham fie ɔse ɔkpere wũ so, “Wũ iyo Ɖse.” Sara mabi birɔgomi ka miɔde mi wũ si mibara ara see fie kuirã iise ipia mi ifɔ.

⁷ Mi marɔgoyiridze ana ne, mitsue so mi mare na ɔle makategu mi. Misegu ma i kuware ame alaso mi gu ma i Ƴaa aatã ngbã karatã. Si mibara ngbo ne, Ƴaa to ðakã mi atsue si mikparama kayi.

Midaabara Ikpi Miti Kuso.

⁸ Kawirikõ ne, mitã mi odudu adzuni si ađe awẽ, mi manyii ara si ađo mi kayiri, midɔe so le manyiibi awe, mibara kayiribielea mitã so si mibo so karõ. ⁹ Midaabara ikpi miti kuso, si magbarĩ mi ana ne, midaagbarĩ miti kuso, ɣee i wã kanya ne, mitã kusekuse ala go ʒaa okpere mi ne, kusekuse ɔɣe ɔse so ðatã mi.

¹⁰ Le kumegɔ i Ɔko Sekelea ɔɣe so,
 “Ɖbiara go nto ɔbie so ðanya ngbã ɔmerẽ
 fie ɔto ɔbie so so si siɣo wũ ne,
 ɔnyua maturi ara lalaa iɣe
 si ɔnyua mila ana.

¹¹ Ɖnyua ikpi ɔbara si ɔbara isee.
 Ɖbie isobue ku ð ɔtu odudu.

¹² Alaso ʒaa anɔ sia i maturi ma nse mabara
 sibololo ara iso,
 fie ɔse okã ma atsue si makparama kayi.
 ʒee ʒaa se okarã makpibaradze anɔ.”

¹³ Nna loabara mi ira boa si anɔ ɔrete mi i isee ibara iso? ¹⁴ ʒee si miwe inye ala isee ibara ɔso ne, mitã so si siɣo mi. Midaanigã kuwẽ, fie midaamararã so ana. ¹⁵ ʒee i nnegbe kanya ne, misu kuware odudu mitã Kristo le Bosate i mi situ ame. Miledza so ɔwi biara so miawo ɔbiara go loakare mi itõme irere i ɔriinyo ne miba iso mmuai ɔtã. ¹⁶ ʒee mibara ne ku karõ iboso gu kuware. Mitã so mi kayere ame aakpa so mma nto matia mi so misiai Kristo ne, kunuare aakpẽ ma i anyakpi wa mato maye iso. ¹⁷ Alaso ile so aawe inye i isee ibara ame si ngbo nde ʒaa kudɔe idɔ so aawe inye le kpibaradze. ¹⁸ Alaso Kristo okpi i makpibaradze iti okpe ɔwẽ saã i ɔwi

ođudu kanya. Atoa so ođe oturi bɔlɔlɔa ne, okpi i makpibaradze iti so iaki i ne iso ne, ɔawo bo oko ɔbo Ƴaa kore. Mađoe wũ i siturina ame, Ƴee iki i Ƴaa Siwarã ame ne, ɔta ɔpia ngbã. ¹⁹ I Siwarã ame ne, ɔse ɔayere siwarã dze mapia iyo i ikpibio ame Ƴaa itõme. ²⁰ Ma nde mma loikã Ƴaa kuka atsue ku owi go i Noa to owe ađaka ne. Ƴaa ɔna ɔtu ɔtã ma. Maturi irẽsaã pe ma nde ma farafana lona idj i ndu me loyi minina kayi mmɔ ame. ²¹ Ndu megbe se le Ƴaa itupie ne lofo mi ipia i ngbã ame kinio. Iide ndu me lofore anyini idj maturi iso mide, Ƴee ide ndamu ikã itã Ƴaa i kayere ga lokpa ame. Ƴaa itupie lofo mi itã ngbã iki i Yesu Kristo ita ibore i makpise ame iso. ²² Kristo ɔse ɔase i Ƴaa kudearõ iso i kato, fie ɔto ođe Ƴaa makpabo, mma nto mađe iso gu sile dze mpia i kato ođudu iso.

4

Mise Ngbã Le Mafɔdɔdze Awe.

¹ Ne ɔso go Kristo owe inye le oturi awe ɔso ne, miledza mi adzuni ame mise le ɔ, alaso ɔbiara go nse owe inye le oturi iisise ɔbara ikpi. ² Ne ɔso ita i kinio ito ikelɛ ne, mise ngbã i Ƴaa kudɔe kanya ne iide oturi ara wa nse akpẽ wũ okã kanya. ³ Mionina owi gbodzoo ku owi go lofe mibara ara wa i maɔsɔredze se mađɔe ibara. Wã awẽ nde kulaa nyanyarĩa ide, ɔrakolo, itarẽ, ɔdegbodzo, ɔnɔle, gu ira lalaa biara le aɔ isore. ⁴ Go miisise misiai ma i ara lalaa kađukađu wamɔ ibara ame ne, ise ibara ma ɣii ne ɔso mase matia mi ne. ⁵ Ƴee mato maadj so kanya i Ƴaa go loledza so

otã atõme iyegu maturi nyoa gu makpise katõ.
 6 Nnegbe oso i Kristo oxere makpise ana Itõme Bielea so atoa so Yaa oxegu ma atõme i maturi kase le oturi biara ne, i siwarã kase ne, maase ngbã le Yaa awe.

Ikote So Mafoddedze Aabuai So.

7 Ara odudu kawirikõ ororo oxo, ne oso minyo so si mimõẽ so mila kukaako so miawo kayi okparama. 8 Yee nne lonya ido i wã odudu ame nde so miadõe so kukaako alaso kudõe se kusu akpi gbodzo wa i oturi obara kutse. 9 Si mi malaa obo mi le mafõ ne, mifõ ma, xee midaaxe kusakuso. 10 Mi ndẽ obiara ofõ karatã obõregu i Yaa kore, ne oso le maturi see ma nto manyo Yaa karatã agbãagbã iso matã wũ ne, mibara karatã gagbe karabara kukaako so kaade kusia katã mi odudu. 11 Si mi orere to oxẽ Yaa itõme ne, oxẽ ne le ngo i Yaa opia silo i kanya so oxere maturi. Ngo nto obuai maturi si obuai ma ku ole odudu go i Yaa otã wũ so i ara odudu ame ne, maale Yaa iki i Yesu Kristo iso. O okpe nde kuware gu ole owi daaro. Si iba ngbo.

Mifõ Inyewe Le Kristo Mare.

12 Manyii dõese, idaabara mi xii i inyewe siare ne ame mito miki le ira ne loiba inya ide nto iba mi iso. 13 Yee i ne kanya ne, mina isoxo so mito miwe inye le Kristo awe so owi go ãaledza iba i õ ole ame ne, so aaxo mi kukaako. 14 Si mato matia mi so midõ Kristo masiaidze ne, mina isoxo alaso ikpawai Siwarã dze nde Yaa Siwarã sia mi iso. 15 Yee mi ndẽ kuwẽ si odaawe inye le turidõese, xee yukukpe, xee oturi lalaa, xee ngo nse oxẽ

maturi iso ara awe. ¹⁶ ΥΕΕ si mito miwe inye alaso midε Kristo mare ne, kunuare si kudaakpε mi, χεε mipε Υaa siba σο Kristo iyere sia mi iso.

¹⁷ Υaa atōme iyeyi οοχο, fie Ο maturi iso iase karō. Fie si ise karō i bo iso ne, nda iawirigu mma loifo Ο Itōme Bielea maδε? ¹⁸ Λε kumεγο matsere i Οκο Sekelea ame σο,

“Si iba οle fie Υaa aafο maturi bοlοbοa ne, nda iase mma loiye Υaa gu makpibaradze?”

¹⁹ Ne οσο mma nto mawe inye i Υaa kudοε kanya si makeλεgu i katō mabara iseε. Masu so mapia i ma baradze nroō ame alaso οσε οbara ara i οri iso.

5

Minyo Υaa Mabi Iso.

¹ Mme λε mafοδεδε tōδεδε go lonya Kristo inyeve ku anο, fie loto loana kaδεkō i ikpawai ne loaba ame ne, loto matōδεδε ma mpia i mi ndε i kukpa. ² Mimōε Υaa maturi ma οsu οpia mi i nroō ame mila ku mi situ λε kumεγο i maserekοδε se οnyο masere iso. Ngbo i Υaa to οbie ne iide ku οχιε. Midaabara mi karabara ala sosina ame kuso go miafο kere οso, χεε kudοε go miba mitā karabara οso. ³ Midaaδε sigara i Υaa maturi ma mpia i mi kayirino iso, χεε midε ikpari see mitā ma. ⁴ Iyo οwi go i Maserekοδεkpakpa aaba ne, mito miafο sigaraikoto ne loafie οwi biara.

⁵ Mi makoso ana ne, mibo so karō mitā makpakpa. Mi οδυδυ si misu karō iboso mipia λε arapia si mibuai so ala maχε i Οκο Sekelea ame σο,

“Yaa se okarã mma lokole so kato ano,
 xee ose onyo mma lobo so karõ nnya.”

⁶ Ne oso misu so mipia i Yaa karõ teterea kayirino i karõ iboso ame si ñakole mi kato i ñ owi see iso. ⁷ Misu mi ara wa odudu nto adaa mi mipia wũ i nroõ ame alaso ñ ano sia i mi iso owi biara.

⁸ Midzuẽ so si minyo waĩ! Alaso mi tsirise Obosam pia oki le dzata ofafã obie ngo ñamõẽ owe. ⁹ Miya teteree i mi kafokade ame si misẽ wũ alaso miye so mi malaa fodedze i kayiiso odudu to mawe inye ngbo.

¹⁰ Yee si miwe inye owi kekẽĩ kere ne, Yaa go nde nnyainyo ose go lokpere mi so mi gu Kristo aana kadekõ i ñ ikpawaĩ ne nna katui ame si obara mi sekelee, otã miya teteree, otã mi ole, mire sidu. ¹¹ O okpe nde ole go loibaro onya. Si iba ngbo.

Bomala Mi So.

¹² Silvano go lose loware le fodedze go nxe teteree lobuai me lotsere oko gogbe. Lobie so lopia mi ole iki i nne lonya ku wũ ano so Yaa abualera bielea ade ngbe, ne oso miya i wã ame teteree.

¹³ Mi manyii fodedze ikuri ne i Yaa odi i Babilonia karõ iso gu wũ obi Marko so maya mi o-o. ¹⁴ Miya so ku mafodedze ikuri ame kudoe.

Isobue si iwegu mi ma odudu nde Kristo mare.

Ndamu Yεε Siwu
Siwu: Ndamu Yεε Siwu New Testament

copyright © 2008 Wycliffe Bible Translators, Inc.

Language: (Siwu)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 1 Dec 2020

b5020a1a-c7b9-512a-9b46-1e462be571d4